

Mattup ki Pool yi riije a don a Pilip

En urzi k'ono don kun t'oone adda mattup ettiyo

Ette mattup ki Pool yi riije a don i ziipe addan a Isa a geeger ki Pilip. A torguwadi ere ki sirwe gette, Pool y'a gizite Rabila Majjaanawa adda geeger ki Pilip, bini don ongon ti diine don geeger gette an d'umbe a tode. (Naabo don zina 16.11-40)

San man Pool an ti y' ziida dangay a geeger Room kono yi naabiya ki Galmeega. Aame gen, kane don geeger Pilip an di tusse suldi wo an d'igibe wedusu soo ti diinayan sundi Epapirodit, kono yi-d'ette ti suldi don an tusse. Aame yi-d'iide ti suldi genno man, Pool y'an di riije mattup kono y'an di roote koduwo a naabo ere an i ize gette. Wo y'an di ruute son an soodo zakidi a urzi zaapu k'addan a Isa, a Raa'n an i ki kime dar ye. Gen don eliyi dooyiso ere ti doolo a ki t'ettiyo ti ere ki Raa ye gette, onaman an'n olliga ye. Y'an di ruute son an aa d'elke a kettiyo ere an aa ti gitte kan soo ti Almasi gettiyo, tode gette munda wede i dehu a koone a diinayan.

Toose ki Pool

¹ Mattup ette i raaniya nun Pool kaye ti Timote, don naabo k'Isa Almasi, a kune pay don ki Raa i lekkiyo kettiyo kan soo t'Isa Almasi a geeger

Pilip*, ti dɔŋ dokkiyagun wo ti diyakire. ² Gen beeko ti toose ki Meegin Raa wo ti Galmeega Isa Almasi i koonaa eggun.

Pool yi tondiyo Raa kono dɔŋ ki Pilip

³ Aame tuuku o elkiyo adda k'addó kono kune maŋ, ni rootiyo koduwo a Raazó. ⁴ Daayum adda tondiyadó a Raa kono kune pay gette, ni tondiyo t'un̄suwo ⁵ kono kun ayni nuuge a urzi kazita Rabila Majjaanawa, kun iise ti onniyo ere ki poone bini an̄ken̄no gen me. ⁶ Nuŋ ni suune munda soo adda k'addó: Raa wede iise naabo ere beehiye adda k'addugun gen, y'a di-t'etta ki daana bini d̄angiyatú ti beehiye a onniyo ere k'aaniya k'Isa Almasi. ⁷ Wo gen d̄erec beehiye in̄kino nuŋ ni d'elkiyo a kune pay. In̄kino maŋ nuŋ n'unni geyyiso baadaŋ adda k'addó, kono beeko ere Raa y'o ize ette a kine pay kaŋ soo, ise an̄ken̄no nuŋ adda dangay, ise an ni wiike a daana d̄oŋ booro toŋ n'a naakiwe Rabila Majjaanawa gette, n'an di kize tod'te d̄erec. ⁸ A rootiyadó ette d̄erec ki kotto, Raa toŋ yi suune, nuŋ n'unni geyyiso pay aa Isa Almasi y'unni geyyiso baadaŋ.

⁹ Wo kun ollo en̄no munda wede ni tondiyo Raa adda k'addó me: geyyisagun t'a t'ihira a ceere ki ceeriyo, wo kun di suune munda wede en̄ ulsu en̄ beehiye, ¹⁰ kono kun d'aane kun di suune munda wede beehiye. In̄kino onniyo ere k'Isa Almasi t'iina maŋ, kun t'isa d̄oŋ kamilen̄,

* **1:1** 1.1 Aame Pool yi kazita ono Raa gen, geeger Pilip gette i ti dukke d̄oŋ Romen̄, tod'te adda siifó Maseduwan, k'a ti t'oone adda mattup ki Naabo d̄oŋ zina 16.12-40.

ɔuwo an k'amba sundugun k'ulsuko ye. ¹¹ Wo kun t'isa don addan une ti naabo ere ki diine iido t'urzi k'Isa Almasi, inkino a t'ela suma wo tamma a Raa.

Pool adda dangay ton ono Raa an k'ihira ye

¹² Zamba ki nun, ni dehu kune kun di suune, a munda wede o iido en a t'ize beehiye, ki kotto a nuuge naabo ere ki Rabila Majjaanawa t'a ingile ki daana. ¹³ Kono inkino don pay, ise don pay adda boy mozigo goole, wo ise don ongo ti paate ton, an suune nun an ni zida dangay min kono naabo ere a urzi k'Almasi. ¹⁴ T'urzi seeduzo adda dangay ette, zamba baadan an d'ele kooke a urzi Galmeega, inkino man an d'iiziga wehini a jire an di kazita ono Raa daa k'orgiso.

¹⁵ Derec, don ongo an kazita rabila k'Almasi ti kolbiso wo ti elkiso ere an ti n' kime nun k'ita, wo don ongo an kazita t'urzi k'adde don beehiye. ¹⁶ Kane gen an kazita t'urzi geyyiso, kono an suune nun an ni zida dangay min kono ni naakiwsa Rabila Majjaanawa k'Almasi, n'an di kaza tod'te derec. ¹⁷ Wo kane don i kazita rabila k'Almasi ti elkiso ere an ti n' kima nun k'ita gen, kane elkisadan ki diine ye, an elkiyo dabarado ere adda dangay gette on oo t'aagulu.

¹⁸ Inkino ton i k'ise munda ye! T'urzi tuuku ton suma k'Almasi kane an kizita, ise ti elkiso ere derec ye, ise ti elkiso ere derec ton man, nun ulbo'ng unse. Wo ulbo'ng aasa unse sey, ¹⁹ kono ni suune, t'urzi tondiyagun a Raa wo ti noogiyo k'Unde k'Isa Almasi gette, suldi pay gen a-t'etta a urzi k'uttiyado. ²⁰ Inkino man munda wede

ni delliyo gottiton wo ni zaapu elkisadó eego en, sukiyagi munda soo ton i ki n' seeda ye. Ki too man ti anki wo ki daayum suma k'Almasi gette n'a ti kize ti tuddó pay daa k'orgiso, ise nun n'a lekke, ise n'a t'inda ton man. ²¹ Derec ki nuuno man, Almasi min yon lekkiyadó, wo n'inda man, gen munda wede beehiye a jiire. ²² Wo aame a duniya en ni lekkiyo sey man, o-t'ele urzi n'aase naabo ere beehiye, inkinno man oo giige, tuuku ni beere te. ²³ A diine k'elkiso ere sire si-sittú ette, nun oo t'ize ooŋe: ni dehu lekkiyo duniya ette ni-t'ooli, n'ette n'a lekkey aame k'Almasi, gen beehiye a jiire a nun me. ²⁴ Wo de kono kune gen, koduwo baadan a jiire sey n'a lekke a duniya me. ²⁵ Kono suldi en, nun ni suune adda k'addó ni lekka me, wo ni lekka ti kune pay kono n'un di'n nooga, kun di t'ihira wo kun di lekka t'unŋsuwo a urzi zaapu k'addugun a Isa. ²⁶ Inkinno man aame ni gima ki tuddugun sey man, t'urzi nun gen ulbugun aasey unŋe a ceere sey a urzi lekkiyo ere kettiyo kan soo t'Isa Almasi te.

Pool y'an eliyo kooke a zamba

²⁷ Munda wede beehiye ni dehu'ŋ, kune kun di lekke a lekkiyo ere a-t'ette a urzi ki Rabila Majjaanawa k'Almasi. Inkinno man aame n'iida n'un ti'n wollo, ni k'iida ye ton man, n'a olliga kun lekkiyo kettiyo kan soo zakidi, wo kun deyyiso pay kan soo t'adde soo a urzi zaapu k'adde a Isa ere itatú Rabila Majjaanawa. ²⁸ Kun an orgida ye tak a kane don k'olmidagun gen me. Kun likka inkinno man, a kane an t'isa aa munda wede y'an kaza kane a urzi wede ki daggiya,

wo kune a urzi wede k'uttiyo. Wo geŋ iido ti Raa, ²⁹ kono yoŋ y'un ize beeko kun di naabe k'Almasi, kun di naabe kun ki zaape addugun a yode daŋŋal ye, wo soŋ kun di dabire kono yoŋ me. ³⁰ Ankenno kun deyyiso deyyiso ere aa kun di'n wulle n'a d'iyye ti kaaga, wo anki ni deyyiso sey aa kun zuune.

2

Almasi yoŋ toogo wo yi ki koliyo tuddi ye

¹ Aa kune kun suune, lekkiyagun ere kun lekkiyo kettiyo kaŋ soo t'Almasi gette, tod' t'un d'eliyo toogo. Kun suune geyyiso k'Almasi gette, tod' t'un d'eliyo kooke. Kun suune kun sooru kaŋ soo t'Unde Kamilen. Wo kun suune un d'ede sommagi wo kun isiyo beehiyko ti tuddugun geŋ me. ² Inkiyo kun lekko lekkiyagun ere kaŋ soo, kun geyyo tuddugun t'adde soo, bizigun soo wo elkisagun toŋ i-t'ette kaŋ soo. Geŋ inkiyo addo kun oo ti'n oona t'unusuwo. ³ Kun ise ye munda wede a urzi k'elkiso ere wede a ti y' kime k'ita, ise t'urzi k'elkiso ere oldo kun di kili tuddugun me. Ki too maŋ daa koliyo tudde kun'ni wollo eebugun aa kane deero t'eggun. ⁴ Wenda soo toŋ yi dehe munda wede k'aggadi daŋŋal ye, wo de ti diinagun wede tuuku toŋ y'a elko a doŋ ongo pay. ⁵ Ti diinagun kun lekko lekkiyo ere aakede doŋ i lekkiyo kettiyo kaŋ soo t'Isa Almasi:
⁶ Yode wede t'ume k'eesiyo aa Raa batum, wo toŋ t'urzi wede i-d'ede geŋ, a umayi geŋ y'a ki dihe ti toogo an ki d'ette ti Raa kaŋ soo ye.

- 7 Ki too maŋ yode batum ume wede suma geŋ yi-d'iili, y'a t'ize wede naabo.
Y'a t'ize wede tudde a diine duwo, kane an di y' wulle miŋ yoŋ wedusu.
- 8 Yoŋ y'a iyye y'a t'ize neŋku,
y'a illiga ono Raa bini y'a iyye unto, untadı ere sukiyagi ekk'undumu wede zaapu t'ekki bakadı kaŋ tontilko.
- 9 Kono kamo Raa yi-ti y' gili, yi-d'ele ume wede majjaane a jiire pay t'awwa a kandaane,
wo yi-d'ele suma ere a jiire sumbiyagi pay,
- 10 kono doŋ pay i lekkiyo a kandaane,
doŋ i lekkiyo a siido, wo doŋ ti dandı siido,
kane pay an di dikkey a suma ere ki yode Isa.
- 11 Wo geŋ doŋ pay an di rootey kereŋ: «Isa Almasi yoŋ Galmeega!»
Wo t'urzi geŋ duwo an di t'imme suma Meega Raa*.

Kun tooro aa biŋge adda duniya

12 Zemba ki nuŋ kune doŋ ki geyyiso, kune daayum ono Raa kun illiga. Inkiŋo'ŋ kono Raa y'un utte geŋ, aŋkeŋ i dehu kune toŋ kun di naabe a-t'ette a urzi k'uttiyo gettiyo, wo kun naabo ti orgiso wo ti ottilso. Kun ise inkiŋo aame nuŋ a diinaguŋ daŋŋal ye, aŋkeŋno nuŋ umbo enno toŋ maŋ kun iso sey a ceere, 13 kono yode Raa batum i naabiya adda k'adduguŋ me, y'un di'n isiyo doŋ aane i dehu wo i t'isiyo munda wede a-t'ette aa Raa addı i dehu.

* **2:11** 2.11 Adda mattup ki Pilip 2.6-11 eŋ, i-kaza ooro ki doŋ i ziipe addaŋ a Isa ti poone an d'oro.

¹⁴ Naabo pay ere kune kun ise gette, kun iso daa gurgirso daa niiku, ¹⁵ kono duwo an k'ambe sundugun k'ulsuko ye, kune kamilen, inñi Raa daa k'oldiko munda, adda diine don duniya kane don i t'udde t'urzi wede derec, don isiyo ulsu mirsi geñ me. Kune a diinayan kun di toore aa moldfali don a kandaane, ¹⁶ geñ kun an kazita Rabila Majjaanawa i d'eliyo lekkiyo. Injino man nun ulbó'ñ aasa unse kono kune a onniyo ere k'aaniya k'Almasi gette, kono a naabadó ere n'ize wo n'a iidiba yeebadó gette, i ki t'ize ki bita ye.

¹⁷ Urzi zaapu k'addugun a Isa geñ, aakede sedefe ere kun ele a Raa. Wo aame anki en puuzadó t'iba ton man, a-t'etta aa munda wede an yergu a sedefe gettiyo. Aame iza injino man, geñ nun ulbó'ñ unse, wo kune pay ton ulbugun aasa unse ti nuuno me. ¹⁸ Geñ kune ton ulbugun un iso unse, wo nun n'aase unsuwo ti kune kay.

Pool y'agisa Timote kane ti Epapirodit

¹⁹ T'urzi Galmeega Isa, n'elkiyo san n'un di-t'igiba Timote, kono nun batum aame n'uuna rabilagun ti bey yode man, o-t'ela toogo. ²⁰ Wenda ti doolo umbo daa yode Timote ulbí i di t'oode a nuuno me, wo ki kotto ulbí i di t'oode a kune me. ²¹ Kane don pay ongo geñ wede tuuku ton ulbí i oodiyo a naabadí ere k'aggadí k'aggadí, wo wede a elke a naabo ere k'Isa Almasi umbo. ²² Wo kune kun suune yode Timote en tuddí yi ti gize kun wulle yi ziidá zakidí a naabadí te, y'a niibe ti nun a urzi kazita Rabila Majjaanawa aakede ulo a sirpa meegí. ²³ Injino'ñ n'elkiyo,

aame a lekkiyadó ette urzutú ni ti y' wulla kereñ mañ, Timote n'un ti t'igiba. ²⁴ Wo adda k'addó ni suune, sañ mañ nuñ batum n'etta n'un ti'n wollo, kono Galmeega y'o ruute.

²⁵ Wo ni t'ilke mañ beehiye leemadiñ Epa-pirodit† n'un ti y' t'igibe me, yode wede ay niibe wo ay diyye kañ soo, yoñ kun y'igibo y'o d'iido ti noogiyo ere ni dihe ginno te. ²⁶ Yoñ mosogo kune pay yi dehu y'un ti'n wolle sey, wo yoñ a eenizí aa kun d'illiga genño toñ, ulbí i-d'oodiyo baadañ a kune me. ²⁷ Derec, yoñ y'aaze eeni baadañ tañ lelle y'unto, wo Raa yi-d'ize adde koduwo, wo y'ize adde koduwo a yode d'añjal ye, a nuuno pây, kono n'a ki t'ise sommagi dondon a ki ceere ye. ²⁸ In'kino n'a naare kesiko n'un ti y' t'igibe, kono aame kune kun yi wulley sey mañ ulbuguñ aasey uñse, wo nuñ toñ addó a-t'udiga. ²⁹ In'kino mañ yode eñ kun yi soodó bey sire ti uñsuwo, aakede leema a urzi Galmeega. Duwo d'ofñ aakede yode kino eñ, kun an ottilo baadañ, ³⁰ kono tañ lelle y'unto miñ a urzi naabo k'Almasi. Yoñ y'a iyee y'a t'umbe puuzadí, kono y'o d'etto ti noogiyo ere kune batum kun k'iine kun ki d'iido ye gettiyo.

3

Mummino k'a koone ki diine a d'aana Raa me

¹ An'kenj zemba ki nuñ, ulbuguñ un iso uñse kono kune kettiyo kañ soo ti Galmeega. Ono d'ofñ n'un riinje ti poone geñ, a nuñ oo k'ooñe ye

† 2:25 2.25 Epa-pirodit: Yoñ wede d'ofñ ogiyo ti suma k'Isa a geeger ki Pilip geñ an igibe k'ume Pool.

n'un ti'n doole me, wo injino geŋ a kune toogo a urzi zaapu k'addugun a Isa me. ² Kun koona mentikagi ti doŋ ulpi, kane aa gahiti kono naabo ere an isiyo gette oldo, an dooyiso duwo an di walda ponde doo, para maŋ kane doŋ Raa ye. ³ Ki too maŋ doŋ waldu toc miŋ kine, kono in naabiya a Raa t'urzi k'Undi, kine ulbiŋ in isiyo unse a Isa Almasi, wo in ki ziipe addiŋ a urzi tuddiŋ ye.

⁴ Ki too maŋ nuŋ toŋ n'aane n'a zaape addo a urzi tuddiŋ geŋ me. Wo nuŋ ni-t'oone urzi a ceere n'aase, ise doŋ tuuku ti doolo toŋ maŋ. ⁵ Injino t'ume an ti n'ehe iide onniyo gessire maŋ, an oo di wilda ponde, nuŋ itado doŋ k'Izirayel ti biza bumbu Benzamen*, nuŋ Eber maawo toŋ doŋ k'Eber pay. Wo a urzi k'oogoro Yawudiyagi geŋ ni ziida zakidi, kono nuŋ ti diine doŋ sundaŋ Pariziyen. ⁶ A naabado ere wehini n'ize a Raa geŋ, doŋ ogiyso ti suma k'Isa n'anni dibire baadaŋ. A urzi lekkiyo ere ki diine oogoro ti rootiyo gette n'a ziida zakidi, kono duwo an ki zaapu ono a eedo ye.

⁷ Wo urzi wede pay ti poone n'ilke munda wede beehiye n'a t'oone geŋ, ankenno a nuŋ oo t'ize ki bita kono k'Almasi me. ⁸ Derec, suldi doŋ pay genno toŋ n'a zuune a t'ize ki bita, kono anken munda wede beehiye a jiire sey ni y'uune baa: N'a suune Isa Almasi yon Galmeego. Kono yode geŋ n'a iyye suldi pay geŋ a t'ize ki bita, kane pay n'an ize aa iizi, kono munda wede a di jiire pay a nuŋ, Almasi

* **3:5** 3.5 Biza bumbu Benzamen: Yon i-d'ede suma ti biza bumbiyagi k'Izirayel pay.

ɗaɗɗal, ⁹ wo n'a lekke kettiyo kaɗ soo ti yode. A elkiyadó maɗ ni ki t'ise ki diine ye a ɗaana Raa t'urzi sooruzó ere a-t'ette a oogoro gette. Ki too maɗ n'a t'ise ki diine a ɗaana Raa t'urzi zaapu k'adde a Almasi. Geɗ ɗerec, lekkiyo ere ki diine ette t'ettiyo ti Raa t'urzi zaapu k'adde a Almasi. ¹⁰ Geɗ munda wede addó i dehu, n'a suune Almasi adda k'addó, wo n'a suune toogadí ere a ti y' bilde. Ni dehu n'a di-kette kaɗ soo ti yode, n'a dabire aa yoɗ yi dibire bini unto toɗ maɗ, n'a oyya n'a deeya aa yode a urzi k'untadí me. ¹¹ Injino maɗ ni zaapu elkisadó aame n'inda toɗ, Raa yi ti n' balɗa kay ti diine ɗoɗ unto me.

In okko ki ɗaana a urzi k'Almasi me

¹² Nuɗ ni k'elkiyo ye okko dalala ni ti ɗiɗge baa me, ise a lekkiyadó ere aɗkeɗɗo ni t'ize wede ɗerec ki diine baa toɗ maɗ. Wo nuɗ a urzi ni peɗɗiɗso, n'okko n'a t'ambey agga te, kono k'injino nuɗ batum miɗ Isa Almasi yi n'umbe. ¹³ Zemba ki nuɗ, nuɗ toɗ maɗ ni k'elkiyo ye agga ni t'uune baa me, wo munda wede soo nuɗ n'isiyo me: ni-k'elkiyo ye baa a munda wede n'ize i t'ingile me, ni peɗɗiɗso n'a t'ambey munda wede a ɗaanadó. ¹⁴ Raa y'inni waaku t'awwa ti kandaane, kine in d'ette sirpadí in seedey aggadiɗ t'urzi k'Isa Almasi. Injino maɗ nuɗ n'okko dalala ki ɗaana, n'a t'ambey agga te.

¹⁵ Kine ɗoɗ pay i-dirse a urzi zaapu k'adde a Isa eɗ, in aa elko a sulɗi geɗɗo wo in d'oziro eego. Wo a ume tuuku kun t'ilke elkiyo ere ti doolo maɗ, a ume geɗ Raa y'un di kiza urzizí, kun di suuna. ¹⁶ Aame ise muno toɗ maɗ, kine

in'do daayum ki dfaana ki urzi wede in daaniya bini ankenno.

¹⁷ Zamba ki nun, kune pay kun ambo zindó. Urzi wede kun di wolle wo kun di daane geñ, ay un y'ele. Inkinno man kun zaapo ersagun a tukki kane don i sooru a urzi wede genno.

¹⁸ Nun ti poone ton n'un ruutite, wo anken n'un di doolo sey ti zumari edayo, i d'ede don ede baadan kane geñ a sooruzan gettin i-kaza don k'adu ki Almasi wo a munda wede y'ize a urzi k'untadi ekk'undumu wede zaapu t'ekki bakadi kan tontilko. ¹⁹ Kane geñ raazan min addan†, inkinno man urzizan a-ti dagga adda k'ahu. An tamma tuddan a suldi don ki sukuyagi, wo elkisadan pay tin a suldi duniya. ²⁰ Ki kine man, duniya ette siifadin ye, siifadin a kandaane, ume wede kine in delliyo ettiyo ki Wede k'Uttiyadin, Galmeegin Isa Almasi. ²¹ Yode wede y'iido man, tuddin ere k'unto i-k'ede toogo ye ette, y'a ti kima tudde ere i deeyiso aa tuddi, tudde ere i-d'ede toogo. Y'isiyo inkinno t'urzi toogo ere i-d'eliyo urzi suldi pay an d'ottilso a mozikadi gettiyo.

4

Pool y'an eliyo kooke a zamba

¹ Zamba ki nun kune don ki geyyiso, nun mosogo addo i dehu n'un ti'n wolle sey. Kune don addo kun oo ti'n assiya, kune a nun aa

† **3:19** 3.19 Raazan min addan: I-kaza ombito ere ongo oogoro Yawudiyagi ti rootiyo k'ombo ulu, son i-kaza suldi don tudde ti dehu ton man.

kaɗumul ere ki wede y'a jiiire a eedó. Injino maŋ zemba ki nuŋ kune ɗoŋ ki geyyiso, kun soodo daayum zakidí a lekkiyo ere kettiyo kaŋ soo ti Galmeega gette.

² Nuŋ n'eliyo kooke a Ebodi kane ti Sentis geŋ, kono onamaŋ i-t'ette kaŋ soo a lekkiyadaŋ ere kettiyo kaŋ soo ti Galmeega te. ³ Wo kee pây wede i seedu zakidí naabadiŋ kaŋ soo ti nuŋ, ni ki tonɗiyo erayi sire eŋ k'anni noogo kono an di-t'okkiye. Kane ti nuŋ ay ɗiyye kaŋ soo a urzi ki kazita Rabila Majjaanawa, soŋ Kilema wo ti ɗoŋ oŋgo pay naabadey kaŋ soo. Kane pay geŋ sumbiyagaŋ raaniya adda mattup ere ki lekkiyo*.

⁴ Kun lekko daayum t'unŋsuwo kettiyo kaŋ soo ti Galmeega. N'a di ɗoole sey, kun lekko t'unŋsuwo. ⁵ Aa kun suune Galmeega saŋ goppon y'ettiyo, injino kun t'iso ɗoŋ tasse a ɗaana ɗuwo pay. ⁶ Kune ulbuguŋ un t'oode a munda ye, wo ɗe a sulɗi ɗoŋ pay kune kun dehu geŋ, daayum kun i-ti zaapo a Raa t'urzi tonɗiyo yode, ti obe bey wo ti rootiyo koɗuwo a Raa. ⁷ Injino maŋ toose ere ki Raa gette, tod'te t'a jiiire suuniyo pay, tode gette t'a booha biza k'ulbuguŋ wo elkisaguŋ a urzi lekkiyo ere kettiyo kaŋ soo t'Isa Almasi.

⁸ Ki ɗaŋgiya zemba ki nuŋ, ni dehu n'un di roote'ŋ, kun zaapo elkisaguŋ a sulɗi ɗoŋ pay beehiye, ɗuwo an di'n t'imme, ɗoŋ pay ɗerec wo ɗuwo an d'ottile, ɗoŋ pay ki diine wo kamileŋ, ɗoŋ i t'îide kun di'n geyye, wo a t'ele suma.

* **4:3** 4.3 Mattup ere ki lekkiyo: I-kaza mattup ere sumbiyagi ki ɗoŋ pay uune lekkiyo ere aware'ŋ, raaniya adda.

⁹ Munda wede nuɲ n'unni duuye wo kun uune, munda wede kun illiga ni rootiyo wo kun wulle n'isiyo geɲ, kane pay geɲ kun oziro eego. Inkino maɲ Raa wede eliyó toose geɲ y'a kooná ti kune.

Pool yi tamma doɲ k'Almasi ki Pilip a eliyó beezɲ

¹⁰ A lekkiyadó ere ni lekkiyo kettiyo kaɲ soo ti Galmeega ette, nuɲ ulbó aaze unse baadaɲ, kono a munda wede aɲkeɲ kun gitte toonugun sey geɲ, kun o d'ele a nuuno. Ki kotto a munda geɲ kune kun ilke baa, wo kun k'uune urzi k'isiyo ye daɲɲal. ¹¹ Nuɲ ni rootiyo inkino a munda wede o biite ko? Aha! Ni rootiyo inkino kono ni-diile ulbó o isiyo unse a munda wede ki beezó. ¹² Nuɲ urzi lekkiyadó ni suune, ise nuɲ oo k'ede ye, ise nuɲ adda darna toɲ maɲ. A ume tuuku wo aame ize munda toɲ maɲ, nuɲ oo ti diile ise addó boo, ise addó mosogo, ise nuɲ adda darna, ise nuɲ oo biite toɲ maɲ. ¹³ A suldi pay geɲ, n'aane n'a lekke t'urzi toogo ere k'Almasi y'o eliyó te. ¹⁴ Wo toɲ geɲ, kune kun ize beehiye kun d'ele aggagun a di n' nuuge a dabaradó.

¹⁵ Zemba doɲ ki geeger Pilip, kune batum kun suune t'ume k'eesiyo kazita Rabila Majjaanawa aame ni t'iiziga ti siido Maseduwan geɲ, doɲ ogiyo ti suma k'Isa ti doolo umbo kine in nuuge ti tuddiɲ. Kune daɲɲal a ni nuuge me. ¹⁶ Wo soɲ kun suune aame nuɲ a geeger Tessaloni toɲ, kun ni nuuge taɲ sire taɲ adó a munda wede oo biite me. ¹⁷ Nuɲ ni rootiyo inkino kono ni dehu kun o t'ele munda ko? Aha! Ni rootiyo inkino kono ni dehu a naabo ere kun isiyo a urzi

zaapu k'addugun a Isa gette, a-t'ofi eego a aagila. ¹⁸ In'kino man n'un di rooto, suldi don pay kun o igibo gen ni'n uune, nun adda darna. Anken Epapirodit y'o d'iido suldugun me, gen baadan o iide baa. Kane pay en aa munda wede in eliyo a Raa eediyadi unse, sedefe ere Raa yi giyye wo ulbi i-d'isiyo unse. ¹⁹ T'urzi lekkiyo kettiyo kan soo t'Isa Almasi gen, Raa wede ni daaniya y'aana y'un di'n dona ti suldi don pay un biite, ti laalayí wede baadan a jiiire pay gen me. ²⁰ In'kino'n tamma t'a koone a Meegin Raa ki daayum! Eyye.

Toose ki dangu

²¹ Kun an t'isoy toose a kane don pay ki Raa i lekkiyo kettiyo kan soo t'Isa Almasi. Zamba don ti nun ton an un t'ize toose pay. ²² Kane don pay ki Raa a enno en an un t'ize toose, wo toc min zamba don i naabiya di mozigo goole ki Romen an un t'ize toose pay.

²³ Gen beeko ki Galmeega Isa Almasi ti koono ti kune pay.

**Mattup ki Taasuwa ere Aware
Mukulu: Mattup ki Taasuwa ere Aware (New
Testament)**

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

523c1c0a-f8ac-5d2f-aebe-7063b0de6b23